

ERABAKIA, 2022ko MAIATZAREN 14koa, UPV/EHUko GERENTEARENA, 2022ko ORDAINSARIAK IGOTZEKO AGINDUA EMATEKO DENA.

GERTAKARIAK

Lehenengoa.- Abenduaren 28ko 22/2021 Legeak, 2022. urterako Estatuko Aurrekontu Orokorrenak, 19. artikuluan ezartzen ditu sektore publikoko langileen gastuen arloko jarduera ekonomikoaren plangintza orokorraren oinarriak eta koordinazioa.

Artikulu horretako bigarren atalaren arabera, sektore publikoko langileen 2022ko ordainsariak ezin izango dute ehuneko 2tik gorako gehikuntza orokorra izan, 2021eko abenduaren 31n indarrean zeudenen aldean, erkatutako bi aldiak homogeneotasunez hartuta, bai langileen kopuruari dagokionez, bai antzinasunari dagokionez. Ehuneko hori bera aplikatuko zaie sektore publikoko goi kargudunei eta bestelako zuzendariei, eta lan kontratudun langileei.

Bigarrena.- Abenduaren 23ko 11/2021 Legeak, Euskal Autonomia Erkidegoko 2022. urteko Aurrekontu Orokorra onartzen dituenak, 19. artikuluan xedatzen ditu Euskal Autonomia Erkidegoko sektore publikoko langileen ordainsariak.

19. artikuluko 1. atalak dioenez, sektore publikoko langileen gastuei buruz eman daitezkeen oinarriko xedapenak eragotzi gabe, 2022. urtean, lan kontratudunak ez diren Euskal Autonomia Erkidegoko Administrazio orokorreko, organismo autonomoetako, zuzenbide pribatuko ente publikoetako eta sektore publikoko partzuergoetako langileen urteko guztizko ordainsariak ezin izango dute % 2tik gorako gehikuntza orokorrik izan 2021eko abenduaren 31n indarrean dauden ordainsarien aldean. Ordainsari horiek, betiere, homogeneotasunaren arabera kalkulatu dira, erkaketaren bi aldietarako, bai langileen kopuruari eta antzinasunari dagokionez, bai lanaldi araubideari dagokionez. Bestalde, abenduaren 23ko 11/2021 Legeko 19. artikuluko 7. atalean xedatzen du ordainsari osagarriak ezin izango dutela % 2tik gorako gehikuntza orokorrik izan 2021eko abenduaren 31n indarrean dauden ordainsarien aldean, hargatik eragotzi gabe programa bakoitzari atxikitako langile kopuruaren aldaketaren ondorioz, programari ezarritako helburuen betetze mailaren ondorioz eta programa aplikatzearen banakako emaitzen ondorioz egin daitezkeen aldaketak.

Lan kontratudun langileak direla eta, 19. artikuluko 9. atalak dio langile horien soldata masak 2022. urtean ezin izango duela %2tik gorako gehikuntzarik izan 2021ean ezarritakoaren aldean, hargatik eragotzi gabe lanpostuaren edukian izandako aldaketetatik, programa bakoitzari esleitutako langile kopuruaren aldaketetatik, programari ezarritako helburuen betetze mailetatik eta programa aplikatzearen banakako emaitzetatik eratorritako gehikuntzak.

ZUZENBIDEKO OINARRIAK

Lehenengoa.- Gerenteak eskumena dauka gai honetaz erabakiak hartzeko, UPV/EHUko errektorearen 2021eko urtarrilaren 28ko Erabakia dela bide (errektorearen eskumenak eskuordetzeko eta gobernu taldearen egitura eta funtzionamendu arloak zehazteko).

Bigarrena.- Abenduaren 28ko 11/2020 Legeak, 2022. urterako Estatuko Aurrekontu Orokorrenak, 19. artikuluko bosgarren atalean dioenaren arabera, urriaren 30eko 5/2015 Legegintzako Errege Dekretuaren bidez onartu zen Enplegatu Publikoaren Oinarriko Estatutuaren Legearen testu bateratuko 76. artikuluan xedatutakoa aplikagarri zaien funtzionarioek, abuztuaren 2ko 30/1984 Legearen aplikazio eremuan sartuta badaude

Enplegatu Publikoaren Oinarrizko Estatutuaren azken xedapenetako laugarrenean edo hura garatzeko emandako Funtzio Publikoari buruzko legeetan xedatutako moduan, zenbateko hauek jasoko dituzte hamabi hilekotan zatiturik, soldata eta hirurteko gisa, 2022ko urtarriletik abendura arteko nomina arruntetan:

Enplegatu Publikoaren Oinarrizko Estatutuko taldea/azpitaldea	Soldata (€)	Hirurtekoa k (€)
A1	14.864,16	572,04
A2	12.852,72	466,56
B	11.235,00	409,32
C1	9.650,28	353,16
C2	8.031,60	240,36
E (30/1984 Legea) eta profesionalen multzoak (Enplegatu Publikoaren Oinarrizko Estatutua)	7.351,08	180,96

2.-Aurreko atalean aipatzen diren funtzionarioek zenbateko hauek jasoko dituzte aparteko ordainsari bakoitzean, soldata eta hirurteko gisa, 2022ko ekain eta abenduan:

Enplegatu Publikoaren Oinarrizko Estatutuko taldea/azpitaldea	Soldata (€)	Hirurtekoak (€)
A1	764,37	29,43
A2	781,15	28,35
B	809,20	29,50
C1	695,06	25,41
C2	663,20	19,83
E (30/1984 Legea) eta profesionalen multzoak (Enplegatu Publikoaren Oinarrizko Estatutua)	612,59	15,08

Hirugarrena.- Irakasle funtzionarioen kasuan, eta lanpostu mailako osagarriari dagokionez, aplikagarria da abenduaren 28ko 22/2021 Legeko 23. artikuluan jasotakoa (2022. urterako Estatuko Aurrekontu Orokorren Legea). Hortaz, hau da ordainsari maila bakoitzean jasoko den zenbatekoa:

Maila	Zenbateko
30	12.983,88
29	11.645,88
28	11.156,52
27	10.666,32
26	9.357,96
25	8.302,56
24	7.812,72
23	7.323,60
22	6.833,40

Maila	Zenbateko
21	6.344,40
20	5.893,32
19	5.592,60
18	5.291,64
17	4.990,44
16	4.690,20
15	4.388,76
14	4.088,40
13	3.787,08
12	3.486,00
11	3.184,80
10	2.884,32

Laugarrena.- 2022ko urtarrilaren 1etik aurrera, lan kontratudun langileen soldata masa ezingo da igo % 2 baino gehiago, 2021eko abenduaren 31n indarrean zegoenaren aldean.

Bosgarrena.- Osagarri pertsonalak eta aldi baterakoak eta zerbitzu ordainak beren araudi espezifikoen arabera arautuko dira, eta, 2022ko urtarrilaren 1etik aurrera, haien kopuru indibidualak ezingo dira igo % 2 baino gehiago, 2021eko abenduaren 31n indarrean zeudenen aldean.

Halaber, ez zaie aplikatuko erabaki honetan adierazitakoa ordainsarien igoera orokorraren bidez eguneratu ezin diren ordainsari kontzeptuei, aplikagarri zaien araudiak dioenarekin bat etorrita.

Seigarrena.- AZPko funtzionarioen kasuan, eta Euskal Funtzio Publikoari buruzko uztailaren 6ko 6/89 Legeko 79.1.a) artikulua arabera, ondokoa izango da lanpostu mailako osagarriari dagokion zenbatekoa 2022. urtean, maila bakoitzean. Kopuru hori hamabi hilekotan zatiturik ordainduko da:

Maila	Zenbateko
30	18.652,32
29	16.579,68
28	14.818,08
27	13.160,16
26	11.606,04
25	10.051,80
24	9.429,96
23	8.756,64
22	8.134,68
21	7.513,32
20	6.995,40
19	6.580,68
18	6.166,20
17	5.802,96

16	5.440,56
15	5.077,92
14	4.715,52
13	4.352,52
12	3.990,12
11	3.627,36
10	3.339,36

Zazpigarrena.- Konfiantzako langileen ordainsariak % 2 gehituko dira 2022ko urtarrilaren 1etik, 2020ko abenduaren 31n indarrean zeudenen aldean, hargatik eragotzi gabe antzintasuna dela-eta dagokiena.

Adierazita koagatik guztiagatik, honako hau

ERABAKI DUT

Lehenengoa.- Agindua ematea 2022ko ordainsariak igotzeko, 2022ko urtarrilaren 1etik aurrerako eraginez, zuzenbideko bigarren oinarritik zazpigarren oinarrira arte jasota dagoen moduan.

Bigarrena.- Argitaratzea erabaki hau UPV/EHuren webguneko Gardentasun Atarian.

Lore Bilbao Artetxe
UPV/EHuko GERENTEA



ERREKURTSOAK

Erabaki honek amaiera ematen dio administrazio bideari, eta kontra egiteko administrazioarekiko auzi errekurtsua jar daiteke administrazio auzietako epaitegietan. Horretarako bi hilabeteko epea dago, erabaki honen jakinarazpena jaso eta biharamunetik aurrera kontatzen hasita (29/1998 Legea, uztailaren 13koa, Administrazioarekiko Auzietako Jurisdikzioa arautzen duena: 8. artikulua).